



UNIVERSITÄTS-  
BIBLIOTHEK  
PADERBORN

**Jus Canonicvm R.P. Pavli Laymanni, Soc: Jesu Theologi, Et  
Olim In Alma Et Episcopali Academia Dilingana SS.  
Canonum Ordinarii Professoris**

**Laymann, Paul**

**Dilingæ, 1666**

Capitvlvm XXXIX. Suspicionis.

---

[urn:nbn:de:hbz:466:1-62559](https://nbn-resolving.de/urn:nbn:de:hbz:466:1-62559)

pronuntiet sibi nullam iurisdictionem, seu ius de causa hac cognoscendi competere, & pars litigans à sententia hac interlocutoria non appellat, iuxta c. dilectus 34. de prebend. transit ea in rem iudicatam: vt postea officium Iudicis in eadem causa, sine noua commissione assumere non possit: Ne quidem ex partium consensu, cùm partes nullam habenti iurisdictionem conferre non possint, l. priuatorum, c. de iurisdictione. Ita Gl. hic ver. procedere, Barbat. col. antepen. Quemadmodum enim, inquit hic Abb. n. 7. Si orto dubio de valore rescripti, Iudex pronuntiet iurisdictionem sibi competere, & pars non appellat, processus validus céseri debet, propter rei iudicatae auctoritatem, vti idem docuit in c. super literis, 20. in fine, de rescript. Ita & vice versa, si Iudex delegatus iudicet contra valorem rescripti, & pars impetrans non appellat, non poterit deinde Iudex procedere, quia officio functus censetur.

Obijcies: Si Iudex iurisdictionem aliquā habet, tum partes in ipsum consentiendo iurisdictionem eius prorogare possunt, l. 1. ff. de Iudicijs. Sed rescriptum ad lites subreptitium, cùm non sit ipso iure nullum, sed tantum ope exceptionis, c. 3. & c. plerumque 23. de rescript. Iudici delegato iurisdictionē aliquam consert, vti hic Abb. docet n. 8. Ergo partes consentiendo in hos Iudices potuerunt illius iurisdictionem confirmare, & quodammodo prorogare. Resp. Licet partes consentiendo in Iudices delegatos possint supplere defectum iurisdictionis, qui est ex parte rescripti subreptitij, non tamen eum, qui est ex parte obiecti, ipsiusque veritatis; quandoquidem in casu nostro causæ ciuiles personarum non miserabilium non pertinent ad Iudicem Ecclesiasticum, nisi ob negligentiam Iudicis laici. Sed vtrum interueniente postea negligentia Domini secularis, Iudices in huius rescripti, saltem ex partium consensu procedere potuerint, merito dubitari potest. Affirmat Abb. loco cit. Sed arbitror, probabilius negari: cùm non sit consuetudo Ecclesiastorum Prælatorum, vt causas seculares committant, antequam ad ipsos deuolutæ sint, vti bene annotauit Innoc.

hic n. 1. Igitur hoc rescriptum ex errore substantiali promanans, omni iure irritum fuisse videtur, per quod nulla omnino iurisdictione collata fuerit.

## CAPITVLVM XXXIX.

## Suspicionis.

## PARAPHRASIS.

Quidam Iudex delegatus à Reo ut suspectus, recusatus erat. Ad causam hanc suspicionis cognoscendam arbitri à partibus eleeti sunt: Sed dubitabatur, vtrum Iudex recusatus arbitris terminum præfiri possit, intra quem cognoscere debeant. Respondet Gregor. IX. Quod nō possit, cum ipse in hac causa suspectus sit, ne forte noceat: sed ipsi semper arbitri partibus terminum ad probationes suas afferendas statuere, sicut & alia omnia agere debent, quæ ad hunc suspicionis articulū spectant. Verum Iudex delegatus (cui vna cum iurisdictione, reliqua etiam, sine quibus ea exerceri nequit, commissa censentur) arbitros compellere potest, vt vel concordent in eadem sententia, vel tertium arbitrum aduocent, cum quo vnu, vel ambo consentiant: ne alioquin causæ principali definitio plus iusto differatur.

## SUMMARIUM.

1. Si Index recusetur, eligendi sunt arbitri ad causam recusationis cognoscendam, nisi ea in iure expressa, aut aliis notoria sit, aut recusatio manifestè iniusta vel fruola.  
Item si duo Iudices delegati sunt cum clausula: Si non ambo potekis, &c. alter de alterius recusatione cognoscit.
2. Si arbitri duo non concordent, tertius arbitris eligendus est, qui eorum discordiam dirimat.
3. Et si arbitri voluntari non cogantur arbitrium suscipere, cogi tamen possunt, qui ex iuris necessitate eligi debent.

No.

**N**O T A N D V M I. Si iudex ut suspectus recusat, ex causa probabili, quæ si probata fuerit, legitima reputabitur (ait Gl. hic ver. suspicionis causa) tum ex partium consensu arbitri eligendi sunt, qui de tota cœla suspicionis cognoscant, per potestatem ipsi à iure collatam, uti Imola hic obseruat n. 11. Ita etiam habetur in c. cum speciali, 61. deappellat. & c. 2. eod. in 6. & videri potest Ioann. Andr. hic.

Excipe primò: Si causa recusationis in iure expressa, aut alias notoria, seu indubitate sit; aut si recusatio Iudicis manifeste iniusta, aut friuola est, his casibus opus non est, vt in arbitros cōpromittatur, sicuti Gl. notat incit. c. cum speciali, ver. iusta suspicionis.

Excipe secundò: Si duo Iudices delegati sint cum clausula, si non ambo potestis, &c. tum de causa suspicionis, vni obiectæ, alter cognoscere potest, & si contra 4. eod. in 6.

**N**O T A N D V M II. Si duo electi arbitri non concordent, cogi debent à Iudice ad eligendam personam tertiam, cuius auctoritate discordia eorum dirimatur. Ita etiam de voluntarijs arbitris habetur in 1. Item si vñus, 17. §. principaliter, ff. de recept. qui arbitrium, c. innotuit, 12. de arbitris. Posteaquam verò arbitri sententias suas in discordia dixerunt, videntur esse functi officio suo, vt tunc nihil amplius agere possint: quamobrem hoc casu ad Superiorem recurrendum est, arg. c. vlt. de sent. & re iudic. & tradit hic Ioan. Andr. n. 9. Abb. n. 11. contra Speculatorum intit. de recusat. §. vlt. ver. Quid si arbitri electi, Imolam hic n. 21. qui dicunt, arbitrios, etiam post latas à se diuersas sententias posse tertium vt diremptorem eligeret, c. cum textus c. huius nihil distinguit, num sententia lata sit, an ferenda. Quam sententiam ob auctoritatem Speculatoris probabilem, imo & æquitati consonam esse, ne causa delegata maneat indiscussa, censet Abb. hic, quamuis prior, vt dixi, de iure verior.

Denique notat Gl. communiter recepta ver. Ad quos, Tametsi arbitri voluntarij non cogantur arbitrium suscipere, 1. 3. §. 1. ff. de receptis, qui arbitrium, &c. lechis tamen sentendum de his arbitris, qui ex iuri necessi-

tate eligi debent, eos ad suscipiendum id munus compelli posse.

## CAPITVLVM XL.

### P. & G.

#### PARAPHRASIS.

Publius, & Gaspar Mercatores, literas Apostolicas contra Episcopum Londonensem impetrarunt ad Abbatem S. Genouefæ, in causa mutui, quod suo loco & tempore ipsis persolutum non fuerit. Pendente hoc iudicio, ad eundem Abbatem, Apostolicum delegatum, Innocentius laicus accessit, qui & ipse mercatori pecuniam debebat, afferens coram Abbat, nisi debitum intra terminum constitutum solueret, vt excommunicationis & interdicti sententiam in ipsum, & terram eius promulgaret. Re hac intellecta, respondit Gregor. I X. censuras ea occasione latas ab Abbat in dictum Innocentium irritas esse: Cūm enim is Abbatis iurisdictioni subditus non esset, non potuit eius iurisdictionem prorogare: quia delegata iurisdictione de persona in personam non extenditur: tametsi Iudex ille delegatus, videlicet Abbas, ordinariam etiam iurisdictionem aliquam habeat.

#### S V M M A R I V M.

1. Promittens certo loco, aut tempore solutionem, si in mora sit, compensare deberet, quatenus creditoris interest, solutionem iuxta conventionem factam non esse.
2. Reus obligare se potest coram iudice suo, nisi infra tempus definitum præstiterit, ad quod de iure obligatus est, ut excommunicationis vel interdicti pena subiaceat.
3. Iurisdictione delegata non potest prorogari seu extendi de persona in personam, nisi in duabus extraordinariis casibus.
4. Etiam se ea concurrat cum ordinaria.

Oooo NOTAN-